

تورک یوردی

ناشری : تورک یوردی

مدیری : آق چوره اوغلی یوسف

ییل ۱۳۳۱ صای ۳ ۲ نیشان ۱۳۳۱ ییل ۴ جلد ۸ صای ۸۱

تورک یوردی

تورکلرک فائده سنه چالیشیر

اون بش کونده بر چیقار

۲ نیسان ۱۳۳۱

ییل ۴ - جلد ۸ - صایی ۳

محترم اوقویو جیلریمزه

بو صاییده نشرینی وعد ایتدی کمز خالده ادیب خانم افندیگ «تورکیمک»
نور؟ عنوانلی پک قیمتدار مقاله سنک بو دفعه نشرینه موفق اولامادق. محترم
اوقویو جیلریمزک عفورینی رجا ایده رز.

«تورک یوردی»

ادبیات

عثمانک جنتی

- یکی تورانک آدمی شاعر عمد آمینه -

— بو کوندی، دکلی غازی عثمان، بو کوندی، جنت قابولرینک آناختارلرینی
آلمشک، سن اولو خاقان !

— اوت اوغل، بو کون آلام، فقط، او ذاتا بکا موعوددی، بکم
اوله جقدی، بئمدی، اوغل، اونی بکا جبریل تبشیر ایتمشدی؛ اونی بکا قائم،
ایمانم سویله مشدی... بکم صویم، ذاتا جنتدن کلشدر، اوغل..

اولو نسلم، آسیاده، آلتای داغلرنده زنکین بر حیات ونور منبعی یاراتمشلر،
آسیایی بر جنت یاپمشلردی. آسیانک داغلری، او زمان، بر تورک عضله سنه
بکزیور، نهرلری بر تورک دامارلری کبی حیاتله آقیوردی. ویایلاری بر

تورک گووده سی کی یوکسک، بلده لری بر تورکک مفصللری کی بر حرکتدی.
 آسیا بر حیات تمثالی ایدی؛ بنم اولو نسلم اورده یاشار، بویورکن، آسیا بر آلتین
 قلب کی زنده، فیضدار بر حیاتله چارییوردی. و بر کلستان کی عطر و فسونله
 مالی ایدی، نجات، وقار و عزت عطر و فسونله مالی بر کلستاندی اوراسی..
 اولو اجدادم، اورالرده براوجاق یاقدیلدی که کوچوک قیولاجیملری بر
 ییلدیز کی درین بر نورانیته قارانیقلری آیدینلاتیور، حرارت و شفقتله شرق
 و غربی ایصیتیوردی. وحشتلری سوندورن و دومانلریله عالمه کولکه سالان بو
 اوجاق .. بو جان، نور و عرفان اوجاغی معظم آتشیله دوت بوجاغه فیض
 و حیات و یرمشدی. آسیانک دوت اوجی کلستان اولمشدی؛ و صاف براق
 و محشم کوکلر آتنده بو نهایتسز، معمور کلستانک هر دالغهی شرقه غربه
 باشقه بر نور، باشقه بر فیض و حیات طاشیان، اولاشدیران کوزلری واردی.
 بو کلستانده بنم آتالرم خاقاندی، اوغل.. اونلر هب جهان خاقانلق ایتدیله؛
 کونشک یولیه، آتشلر صاچارق، نور یاغدی رارق غربه آقین ایتدیله، دنیای
 آل قانه بویادیله ..

قان، ظفر، نجات و سلامت زمزمی در؛ بونی سنده تقدیس ایت اوغل!
 قانه صولانان یرده کلستان اولور. تاریخمده جهانی صارسان تورک آقینلرینک
 پایدار ایزلرنده بویله نیجه کلستانلر آجیلمشدر .
 ... فقط بر کون بیلم نه اولدی، افقمری دومان، کوزلرمری آل قان
 بورودی؛ بر برمره قاریشقد. شمشکلر چاقیور، بزی یار ایللردن یاد ایللره
 کونده رییوردی. بو بر آقیمی ایدی، یوقسه یکی بر صباحک خبر جیسی، مژده جیسی می؟..
 سنه لکچدی؛ یولزده چیچکلر قورومش، یرمری یوردمری غیب
 ایتمشدک؛ کونش، اسکی حرارتیله بزی ایصیتیور، طوبراق وفا کار قوقوسنی
 روحزه دولدورمیوردی. بو یرم آلیشه مدق، دوندک، دولاشدق؛ قضا ایله،
 هدایتله می، ایستک وامل ایله می، هر نه ایله ایسه، غربه کیدیوردق. بوراده یکی
 بر مالکانه واردی. بزه یکی بر کلستان قوقوسی کیوردی. رؤیامده کوردم،
 بکا الهام اولدی: بو یشیل یوردده بزه بر جنت قورولا جقدی..

داغلرده ، یایلارده مدینت یاراتان، زنکین قلیله شرقه غربه فیض و حیات
ساجان آلتون اردونک خانلی، خاقانلی بو سوکیلی ایللرده تخت قوراجق،
آلهی طوغلی معظم سلطنتیله بوشیل یوردهده کولکه صالاجقدی..

بیلیم اوغل، هر جنته بویله قارانلق بر دهانز دمنی کیریلیر؛ بز اولا محشر
کبی بر بر مزه قاریشقدق، قارانلقدهده قالدق؛ فقط اردومز بر کوثر کبی پر -
نوردی، غربه آقین ایدیوردق؛ آلتزده رؤیا، قلبمزده ایمان، روحمزه
امل، وجدان واردی، ابدیاً سعادتله مبشر، غربه آقین ایدیوردق. ذاتاً بزه
آزلدنبری مقدر ونصیبیدی، بزه الهام اولمشدی که خاقانلق تورکدهدر. وتورکک
تختی آلتنده جنت واردر.

... چوق کچمدی، رؤیام چقدی؛ برکون، ایشته بوکونک ایلکننده بر
منشور اوقوندی، و آناختارلر ویرلدی بکا. آرتق یوردهده قالدیم، اوغل.. بو
جنته کیردم، بو، بریایلا ایدی، بن کلستان یاپدم؛ بو برکلستاندی، بزجنت یاپدق
وسزه براقدق...

— منت سکا، غازی عثمان! منت سنک مدینتکه، سنک دولتکه، سنک
جنتکه اولو خاقان!.

— بوکونده، سکا سلام کوندهرن نشته وطفرکله اویاندیغم زمان، شن،
مسعود یوردهده بر آرز حیات کوردیم اما، دون، بورالری خرابیه بکزمه ردی.
اوجاق سونمش، کلستان قورومش کبی ایدی، اوغل.. سزده، بو قوراق
وچوراق صحراده قاریشیق بر قان طاشیورومش کبی عاطل، حسسز و سرسری
دولاشیوردیکز..

نیچین بویله یاپدیکز، اوغل! نیچین اوجاغی اوفله مدیکز، کلستانی صولا -
مدیکز، باقادیکز... بیلیرم، قباحث یالکز سزده دکل؛ شن، مسعود یوردهده
اویله ملککر کلدی که شاهانه کوزلرنده ضعف و عجز کولکه لری واردی، قانلری
اویوشمشدی؛ اونی، سزی اهل ایتدیلر... اوندن بویله اولدی..
فقط سزکده قلبکزده هیچ یانلق، قلبکزده هیچ صیزی یوقیدی که اونی
درین بر نفسله پارلانه سکیز، بر دامله قانله جاتلاندیراسکیز...

... بیلیم نه حکمتدر، شیعدی آلتایلی ده سیس باصمش، قاراللق جوگش،
 یکی بویوک بر جنت می دوغاجق؟ نه در، بیلیمورم، اورایی ده سیس باصمش...
 محقق، بوقارالقدن صوگرا، تورکک باصدینی یرلرده بر جنت دوغاجق،
 بکا، بنم عزیز یوردمه ناصل اولدیسه، محقق آنا یوردینه ده اوله جق...
 دیکله بنی اوغل، سن براقه بونی اوله..

بیلیرمیسک، اوراسی حیات ونور منبی در، بهارمژک کونشی اونک یوکک
 داغلرندن دوغدی، ایرماقلمژک صوبی اونک کوثرلرندن کلدی، سن براقه
 اونی...

یازیق دکل، اوغل، سکا یاقیشیرمی که آلتین کونش قارارین، کوثرلر
 بولانسین.. اوراسی جوراق وقوراق قالسین...

بکا باق، اوغل، بنم اوز نسلمدنسه کاکر، سنده قوت، سنده قان،
 سنده ایمان واردور، یاشاته بیلیرسک...

— ایمانم وار، اولو خاقان؛ کوردیکک، ایسته دیکک جنت دوغاجق..
 توران جانلانجق..

بزسنک مقدس اوجاغکی روحمژک نفسلریله پارلاتاجقز، کلستانکی قانمژک
 صوک داملاسیله صولایه جقز.. او، تکرار یوکسه له جک و محتم، کوزل،
 وقور، او قدر بویویه جک که بر اوجی تورانه واراجق، بویوک عثمان..!
 سنک جنتک بزم باشقه امل، باشقه وجدان، باشقه ایمان ویردی. تا کری
 بزم وعد ایتمدی: توران جنتی دوغاجق، خاقان. و، استانبولده طوران
 سلطان، آلتین داغده ده بر اوتاغ قوراجق، آسیایی باشند پاشه شنله ته جک.....
 اسکی جنتده اسکی سسلر یوکسه له جک.. ملی ایمان، ملی وجدانله آلتین یوردده،
 تورانده، آلتین اردو حکمران اوله جق...

باق، شاه کوزلرکله کورورسک؛ ایشیق وار، کونش دوغیور؛ حرکت وار،
 اوتاغه یر یاییور... بکله خاقان، تاگری بزم وعد ایتمدی: توران جنتی دوغاجق..

۱۷ کانون اول، ۳۳۰

مصطفی خان